

No. 1183

李邁凡履歷

邁凡。係廣東省番禺縣人。前清監生。四品銜。候補通判。宣統紀元。傳旨嘉獎。中華民國。財政部頒  
六等愛國徽章。北京公債局。給狀嘉獎。金山總領事。贈熱心助賑金章。古巴紅十字會。贈紀念絹畫。中  
國紅十字會。三次疊贈特別佩章。光緒十五年。始留學廣東省城。歷從陳何簡吳余諸孝廉游。兼肄業於禺山。  
羊城。越華。粵秀。菊坡。各書院。光緒十三年。就聘赤山鄉擢秀書院助教。十四十五年。就聘赤山鄉圖南家  
塾主講。十六年。就聘番禺庠科專塾主講。十七年。在省城內遠芬家塾設教。十八十九二十廿一年。復在  
省城留學。從凌太史。陳進士。洪主事。方呂兩孝廉等游。兼肄業各書院。及應學海堂季課。歷應科兩  
試。前後十餘案。辛卯科監生錄遺。一赴廣東鄉試。廿二年。在省城南關銀行會館。與黎廣文合館設教。  
二十三年。在佛山鷹沙。斗鼎鹽務總辦。充富文案。兼督辦緝私事。二十五年。在省城充清淨分局督理。  
廿九年。充番禺酒捐商局總辦。三十年。隨宦之閩。就福建賑捐總局會辦即補道黎幕聘。卅一年。就閩浙  
總督中軍協鎮馮。衙門總文案幕聘。卅四年。隨使出洋。同赴古巴使館。充黎代辦幕府秘書員。同年。受  
中華總會館。三年關聘。充該會館總董事。兼督理中華總義山。華僑老人院事務。宣統元年。仍兼就使館  
幕府一席。同年。歷充電賀宣統登極。全僑代表。慶賀古巴總統新任。賽會督理。兼赴總統府賀任。華僑  
代表。重修中華義山監修員。歡迎赴墨專使伍來古。稟請速訂中古商約。全僑代表。二年。創立灣城隴西  
商旅自治講習所。附設中西半日夜學堂。資助學費。充辦學主任員。二年。電請程統領率海圻兵艦來占。中  
華會館。開會歡迎。充迎艦代表員。是年武昌起義。中華會館。附設籌餉局。分募廣東中央公債。充督辦  
局員。中華民國元年。復受中華總會館。三年關聘。連任再充總董事。同年。古巴中華商會成立。承聘兼

充正書記員。民國二年。旅古華僑。報効國民捐。滙款直達北京財政部。充辦理捐務專員。同年。加入古  
巴致公總堂會員。民國三年。交卸總董事後。仍居留中華會館。適華文日報開辦。承聘暫充臨時記者。民  
國四年。致公總堂。承廖代辦兩請。設局籌募內國公債。被舉為正副董。民國五年。灣城李春和堂樂局創  
設。自充司事之職。民國七年。加入中國紅十字會正會員。民國八年。致公總堂。開洪門懇親大會於灣城。  
被舉為是會副主席。又被舉為改良招納新進會員。會場監督。民國九年。充籌建廣州洪門先烈祠。古巴募  
捐員。與廣州易子英。金山黃石公兩代表。同游各埠。徧赴分堂演說開捐。充宣慰員。同年。致公總堂。  
年會大會議。復充主席。又被舉為籌辦開明公報主任員。民國十年。承中國紅十字會駐美代表容。電請北  
京總會正副會長汪蔡。覆電會函。派為駐古巴幹事員。同時倡捐。晉加特別會員。是年三月。致公總堂遷寓  
新樓。督同林總理辦理開幕事。並舉行洪門支會。駐古京十周年紀念慶典。是日晝演華班堂戲。夜開跳舞  
會。歡迎新任古巴總統沙也博士。中國公使吳代辦。暨中西官商社會。各界男女來賓。蒞會演說。為會場  
行禮領班員。同年八月。致公總堂。開聯合各埠分堂。特別會議。被舉為公派回國。會辦廣州建築洪門先  
烈祠。古巴致公堂全權代表員。嗣因廣州政變。市遭兵燹。建祠改緩。回國遂不果行。民國十一年。致公  
總堂內。設立籌辦報業事務所。被舉為開明公報創辦總理兼撰述員。開辦後。即遣派黃何兩專員。往鄰島  
英屬。尖尾架大埠致公堂。分招股份。與旅尖同志。籌議合作。函電相商。得組織古尖兩島。報業公司。  
而西印度洪門機關報以成。是年五月三日。開明公報出世。六日。在報館設開幕茶會。東請官商社會。各  
界來賓蒞會。親導諸賓。參觀館內印務處。機器字架。及編輯繙譯校對攝影各員。辦事書房。出版後。每  
逢七日休息。一連三星期。由總理本身自費備筵。分期謙客。第一期。先請報內員伴犒工。暨致公總堂職  
員。分堂各代表會宴。是晚兼請同往中華戲院觀劇。第二期。徧請本京各社會代表。商莊司事。及報界同

業重要職員。並交好各親朋會宴。第三期。仿用西式長桌。敬備席餐酒饌。東請刁公使。暨夫人。章領事。  
及使領兩館各官員。莊號各商董眷屬等會宴。一時各界來賓。對於本報感情。非常融洽。每講客。多派英  
俊同志。青年子弟。如禮周旋。同為招待員。自作東道主人。迨創辦報務。諸臻就緒。即組織報業公司董  
事局。成立之日。開股東會議。被舉為董事局長。旋將總理任務交卸。具書堅辭。嗣是仍充董事局長。一  
年期滿。以年老欲歸。自行摒擋商務。不遑兼顧報事。遂決告退。不復再充局長之職。前當總理卸任時。  
有同志陳仲陶。李耀想。李明觀。李雲鵠。李松芬。劉尊謀。雷家平。談松軒。何星如。洪少植。李洪。  
周苟。雷炎。梁彬諸君。聯名鑄造蝠鼠頭印。接日字樣重金牌一面。正中勳字。文曰。古巴開明公報創辦紀  
念。並上下款。年月姓名。共六十餘字。又撰成長篇聯序。四言頌詞一道。賡以金牌見贈。愧而受之。無  
任感謝。同年十一月。致公總堂。在古京開第二次洪門懇親大會。被舉為正議長。先期自費備筵。迭請金  
山尖尾架。派來赴會代表各員。暨本京官商等預議。屆日。官商雲集。賀客盈門。偕同大會會長黃君仲和。  
在禮堂為領班招待員。翌日。懇親會在中華戲院。購演日戲一本。全場請客觀劇。以議長名義。自行賞給  
封相推車。女伶李秋雯。鮮花二球。大金一枚。另由本會公賞全班劇員。美金壹百員。以示獎謝。本會是  
晚假座中華酒店公議。翌晚。又以議長名義。自行束請各地公堂赴會代表。及總堂職員。兼請官商外客。會  
宴於中華酒店。席數較多於懇親會代表團聯合宴會。一時內外感情。喜見格外融洽。連日慶會事畢。晝夜  
開場。提議各案。計判決整頓堂規。改良會例。及再起籌捐。定限催收。上海五福祠建築費等案。共數十  
宗。出席彌旬。議長責任。力得告竣。綜計抵灣京十八年。除在使館外。六載連任古巴中華總會館總董事。  
歷年兼充該總會館商董職員。中華商會會董。致公總堂名譽會長。隴西商旅自治講習所課長。名譽所長。  
中華戲院劇業公司董事。中國紅十字會駐古巴幹事員。年來春和堂樂局商務。授權兒子司理。眷閑於本堂

內之壺閣。前廖代辦恩燾。嘗題閣額曰。春長在。現居此閣。時叙友朋。日讀書報。不復涉身社會。行將  
棄筆東旋。本年六月。奉到廣州東山培正學堂校長黃君啓明。惠來吳太史道鎔。題贈壺閣主人。白花綾蘇  
襪金榜紙橫額一幅。文曰。海外韓康四字。當即珍重懸掛於本藥局。用誌嘉惠。以壯楣光。民國十四年。  
現與黃君仲和。林君元亨。同承致公總堂。公派回國赴滬。會辦建築上海五福祠三代表之一。時春秋六十  
有一。須至履歷者。

履歷

MADE IN U.S.A.

LUNA BO  
MADE IN U.S.A.

LUNA  
MAD